

**EBAZPENA, 2020KO ABUZTUAREN 31KOA, INGURUMEN ADMINISTRAZIOAREN ZUZENDARIARENA, VITORIA-GASTEIZKO HIRI ANTOLAMENDUKO PLAN OROKORREKO ABERASTURI S-22 SEKTOREAREN PLAN PARTZIALAREN IRISMEN-DOKUMENTUA FORMULATZEN DUENA.****AURREKARIAK**

2020ko ekainaren 11n, Vitoria-Gasteizko Udalak eskatu zuen has zedila Gasteizko Hiri Antolamenduko Plan Orokorreko Aberasturi S-22 sektoreko Plan Partzialaren ohiko ingurumen-ebaluazio estrategikoa, bat etorritz hala Euskal Autonomia Erkidegoko Ingurumena Babesteko otsailaren 27ko 3/1998 Lege Orokorrean nola Ingurumen Ebaluazioari buruzko abenduaren 9ko 21/2013 Legean xedatutakoarekin.

Eskabideari dokumentazio hau erantsi zitzaion: Planaren zirriborroa, hasierako dokumentu estrategikoa eta urriaren 16ko 211/2012 Dekretuak, planen eta programen ingurumenaren gaineko eraginaren ebaluazio estrategikoa egiteko prozedura arautzen baitu, V. eranskinean dakarren formularioa.

Ingurumen-organoak kontsulta-izapidea egin du, abenduaren 9ko 21/2013 Legearen 19. artikuluan eta Plan eta programen ingurumen-ebaluazio estrategikoaren prozedura arautzen duen urriaren 16ko 211/2012 Dekretuaren 9. artikuluan ezarria, eta haren emaitza espedientean bildu da. Era berean, Vitoria-Gasteizko Udalarari izapidearen hasieraren berri eman zitzaion.

Halaber, espedientean jasotzen den dokumentazioa eskuragarri jarri zen Ingurumen, Lurralde Plangintza eta Etxebizitza Sailaren webgunean, interesdun orok egin zitzan egoki iritzitako ingurumen-arloko oharrak.

Jasotako txostenak aztertuta, egiaztatu zen ingurumen-organoak bazituela behar beste judizio-elementu ingurumen-azterketa estrategikoaren irismen-dokumentua egiteko, abenduaren 9ko 21/2013 Legearen 19. artikuluan dioenaren arabera.

ZUZENBIDEKO OINARRIAK

Ingurumen Ebaluazioari buruzko abenduaren 9ko 21/2013 Legearen 1. artikuluan xedatutakoaren arabera, lege horren xedea da ingurumenean ondorio adierazgarriak izan ditzaketen planen ingurumen-ebaluazioa arautuko duten oinarriak ezartzea, ingurumenaren babes-maila handia bermatuz, garapen jasangarria sustatze aldera.

Halaber, Euskal Autonomia Erkidegoko Ingurugiroa Babesten duen otsailaren 27ko 3/1998 Lege Orokorren 42. artikulua arabera, ingurumen-inpaktuaren ebaluazioek behar bezala bermatuko dute, besteak beste, helburu hau betetzen dela: plangintza-prozesuaren lehen faseetan egingo dela ingurumenaren gaineko efektuei buruzko analisisia, hautabide egokienak hautatu ahal izateko; betiere, kontuan izanik jardueren ondoriozko eragin metatzaile eta sinergikoak.

Abenduaren 9ko 21/2013 Legearen 6.l. a) artikuluan ezarritakoaren arabera, ingurumen-

ebaluazio estrategiko arrunta egingo zaie planei eta programei, baita haien aldaketei ere, baldin eta administrazio publiko batek hartzen edo onartzen baditu eta legezko edo arauzko xedapen batek aginduta egiten eta onartzen badira, ingurumen-inpaktua ebaluatu behar zaien proiektuak etorkizunean baimentzeko esparrua zehazten dutenean.

Otsailaren 27ko 3/1998 Legearen 46.1 artikuluan xedatutakoaren arabera, ebaluazio bateratua egin behar zaie (ingurumen-ebaluazio estrategikoa) arauaren I. eranskineko A) apartatuan jasotako planei, eta plan haien artean sartzen da Aberasturi S-22 sektorearen Plan Partziala.

Abenduaren 9ko 21/2013 Legeak xedatzen duenez, plan baten ingurumen-ebaluazio arrunta hasteko, beharrezkoa da ingurumen-organoak zehaztea zein den ingurumen-azterketa estrategikoaren irismena, ukitutako administrazio publikoei eta interesdunei kontsulta egin ostean.

Arau horrek eskabideari erantsi beharreko dokumentuak xedatzen ditu 18.1 artikuluan, eta, abenduaren 9ko 21/2013 Legeari aurka egiten ez zaionean, urriaren 16ko 211/2012 Dekretuaren 8. artikulua zabaldu eta osatu egiten du hasierako dokumentu horri erantsi beharrekoaren edukia.

Amaitzeko, ingurumen-ebaluazio estrategikoaren irismena zehazte aldera, aintzat hartu dira 2013ko abenduaren 9ko 21/2013 Legeak IV. eranskinean jasotako eskakizunak, ingurumen-azterketa estrategikoaren edukiari buruzkoak, bai eta 2012ko urriaren 16ko 211/2012 Dekretuak I. eta II. eranskinetan jasotakoak ere, erreferentziako dokumentuaren edukiari buruzkoak eta ingurumen-jasangarritasunari buruzko txostenaren edukiari buruzkoak, hurrenez hurren.

Orain arte ezarritakoari jarraikiz, espedienteko txostenak aztertu dira eta honako hauek guztiak ikusi: otsailaren 27ko 3/1998 Lege Orokorra (Euskal Herriko Ingurugiroa Babestekoa), abenduaren 9ko 21/2013 Legea (ingurumen-ebaluazioari buruzkoa), urriaren 16ko 211/2012 Dekretua (planen eta programen ingurumen-ebaluazio estrategikoaren prozedura arautzen duena), apirilaren 11ko 77/2017 Dekretua (Ingurumen, Lurralde Plangintza eta Etxebizitza Sailaren egitura organiko eta funtzionala ezartzen duena), urriaren 1eko 39/2015 Legea (Administrazio Publikoen Administrazio Prozedura Erkidearena), urriaren 1eko 40/2015 Legea (Sektore Publikoaren Araubide Juridikoari buruzkoa) eta aplikatzekoa den gainerako araudia. Horiek horrela, honako hau

EBAZTEN DUT:

Lehen. — Aberasturi S-22 Sektorearen Plan Partzialaren ingurumen-ebaluazio estrategikoaren irismen-dokumentua formulatzea, ingurumenerako soilik eta honako baldintza hauen arabera:

1. Plan partzialaren xedea eta ebaluazio-prozesuaren irismena

Plan Partzialaren xedea da eremuaren antolamendu xehatua egitea, bat etorritik Gasteizko indarreko HAPOko Aberasturi 22. sektorearen fitxan jasotako aurreikuspenekin, zeinean aurreikusten baita bizitegi-garapena egitea Aberasturi hirigunearen ekialderantz eta hegoalderantz. Jarduketan helburua da honako hauek antolatzea: bizitegi-espazioak, ekipamenduak, espazio libreak, oinarrizko azpiegiturak eta bide-azpiegiturak; betiere, dagoen ekipamendu-eremua eta Aberasturi ibaiaren eta San Lorentzo erreka ingurunea integratuz eta erlazionatuz.

Aberasturi 22. Sektorea lurzoru urbanizagarria da, Gasteizko hiri-lurzoruaren ekialdean

dagoena, Arabako Lautadako eskualdean. Sektoreak 79.867,21 m²-ko azalera du guztira, eta bi azpiero eta bi, biak Aberasturirekin ekialdean (Aberasturi, udalerrria baino lurralde-eremu txikiagoko entitatea da).

Plan Partzialaren arabera, 2-hego azpieroan eraikiko dira etxebizitza gehienak: 53 etxebizitza kolektibo eta familia bakarreko 4. 1-IPAR azpieroan, 10 etxebizitza kolektibo eraikitzeko aukera ematen du Planak. Bizitegi-tipologiek eremuaren izaerari eutsiko diote: etxebizitza atxikiak, lorategi-hiria motako etxebizitza kolektiboak eta eskala txikiak familia bakarreko isolatuak.

Aberasturi ibaiaren eta San Lorentzo erreken ondoan, ekipamendu komunitario handi bat sortuko da (EQ1), bateragarria izango dena ortu-erabilerarekin eta baso eta berdeguneekin. Aipatutako ekipamendu horretaz gain, eta haren ondoan, ekipamendu komunitarioko beste eremu bat egongo da, futbol-zelaiaren ondoan. Ekipamendu-eremu horiek tamaina handiko landare-espezierik gabeko berdegune gisa urbanizatuko dira, haien azken erabilera zehazten ez den bitartean.

Planak aurreikusten du oinezkoentzako pasabide bat egitea (1-IPAR azpieroaren berdegunearen eta Aberasturi hirigunearen artean) eta 1- azpieroaren linea elektrikoaren lurperatzea.

Espazio libreak Aberasturi ibaiaren eta San Lorentzo eta Katilutxo erreken ondoan egongo dira. Ibilguen ondoko berdeguneak erriberako berezko espeziekin tratatuko dira.

2. Ingurumen-helburu estrategikoak, printzipioak eta aplikatzeko jasangarritasun-irizpideak.

Plana egiteko funtsezko oinarritzat hartuko dira IV. Ingurumen Esparru Programa 2020ren helburu estrategikoak eta jarduera-ildoak. Horrez gain, arau hauetan bildutako irizpideak jaso behar dira: Euskal Herriko Ingurugiroa Babesteko otsailaren 27ko 3/1998 Lege Orokorra, urriaren 16ko 211/2012 Dekretua eta Euskal Autonomia Erkidegoko Natura Kontserbazio Legearen testu batekina onartzen duen apirilaren 15eko 1/2014 Legegintzako Dekretua.

Era berean, kontuan hartuko dira ingurumena babesteko irizpide, helburu eta zehaztapen hauek: planari aplikagarri zaizkion lurralde-antolamenduko planetan eta plan sektorialetan finkatutakoak.

Zehazki, garapen jasangarriko printzipio hauek zuzenduko dute plana:

- a) Lurzorua zentzuz eta intentsitatez erabiltzea eta lehendik ere artifizialdurik dauden lurzoruen erabilera intentsiboa lehenestea, balio agrologiko handiko lurzorua eta lurzoru naturala urbanizaziotik babestuz.
- b) Hiri-segregazioa, hiri-barreadura eta mugikortasun behartua saihestea irisgarritasuna sustatzeko asmoz, lurzoruaren erabileren plangintza integratuaren, mugikortasunaren, eta hiri-egitura dentsu, trinko eta konplexuen bidez.
- c) Lurzoruaren zigilatzearen murriztea, lurzorua jasangarritasun handiagoz erabiliz eta ahal beste eginkizuni euts diezaion sustatuz.
- d) Habitata eta espezieak, natura-ingurumena eta konektagarritasun ekologikoa zaintzea eta hobetzea.

- e) Paisaiak eta kultur ondarea kontserbatu eta hobetzea. Ur-masen egoera ekologiko ona lortzea, bai eta baliabidearen erabilera jasangarria ere.
- f) Baliabide naturalen erabilera jasangarria sustatzea: ura, energia, lurzorua eta materialak.
- g) Energia-aurrezpena eta energia berriztagarrien efizientzia eta erabilera sustatzea, baita kogenerazioa ere.
- h) Aire garbia bermatzea, baita zarata handien eta argi-kutsaduraren mende bizi diren biztanleen kopurua murriztea ere.
- i) Klima-aldaketarekiko kalteberatasuna gutxitzen laguntzea, kaltea arintzeko neurriak eta egokitzeko neurriak integratuz.
- j) Arrisku naturalak minimizatzea.

3. Esparru geografikoa eta ingurumen-garrantziko eremuak

Planaren xede den eremua 79.867,21 m²-ko azalera duen lurzoru urbanizagarria da, Gasteizko Aberasturi ekialdean kokatua (Aberasturi, udalerrria baino lurralde-eremu txikiagoko entitatea). Gaur egun, eremu hori nekazaritzarako erabiltzen da, zerealerako nagusiki.

Hauek dira planaren eragina nozituko duen ingurunearen ezaugarriak eta baldintzatzaileak adierazgarrienak:

- Sektorea San Lorentzo eta Katilutxo errekek inguratzen dute. Erreka horiek 1. azpieroaren hego-mendebaldean bat egiten dute, eta Aberasturi ibaia osatzen. Zona hori Ebroko demarkazio hidrografikokoari dagokio, eta Zadorraren unitate hidrologikoan dago, Alegria ibaiaren isurialdeko arroan.
- Landarediaren ikuspegitik, nekazaritzako laboreek osatzen dute eremua. Aberasturi ibaiaren ertzean haltzadiak eta lizardiak daude (Batasunaren intereseko lehentasunezko habitatak; kodea: 91E0*). Eremuan ez da espezie mehatxaturik identifikatu.
- Eremua Salburua KBE/BBEaren babes-eremu periferikoaren mugan dago (ES2110014).
- 1. azpiero osoa eta 2. azpieroaren zati bat Gasteizko akuifero kuaternarioaren mugaketaren barruan daude, interes hidrogeologikoko eremu batean (GZ138-2-27).
- Eremu osoa Gasteizko Unitate Hidrogeologikoaren eremu babestuan dago, Ekialdeko Sektorean, Nitratoz Kutsatzeko Arrisku Eremuan.
- Akuiferoak kutsatzeko arrisku handia eta oso handia du eremuak, eta iragazkortasun ertaina porositateagatik eta pitzaduragatik.
- Eremua ez dago EAEko Sareko inongo korridore ekologikoren barruan.
- 22. sektorearen iparraldeko azpieroaren barruan, ustezko arkeologia-eremu bat dago, Santiagoko Baseliza izenekoa (EAG, 150. zk.), baina ez dago haren ageriko aztarnarik. Azterketa arkeologiko bat egin da, ondare kultural, arkeologiko, etnologiko edo historikoan inolako inpakturik ez izateko.
- Uholde-arriskua. Sektoretik igarotzen diren ibilguak lehentasunezko fluxu-eremuak dira, baina bakarrik eragiten dien Aberasturi ibaiaren ondoko berdeguneari, 1. azpieroeko EQ-2 ekipamendu komunitarioaren zati bati eta 2. azpieroeko bide eta berdeguneen

zati bati. Bide eta aparkalekuen urbanizazio-kota, lehen aipatutako eremuenak izan ezik, uraldi-koten gainetik dago.

- Planaren eremuaren barnean, ez dago lurzatirik EAEko lurzorua kutsa dezaketen jarduerak izan dituzten edo dituzten lurzoruen inbentarioaren barruan dagoenik.

4. Jarduketak egiteko eremu desegokiak

Planaren eremuan, ez da detektatu eremu desegokirik jarduketak egiteko, betiere aplikatu beharreko ingurumen-araudia errespetatzen bada; bereziki, gai hauei buruzkoa: Plangintza hidrologikoa, uholde-arriskuaren prebentzioa eta kutsadura akustikoa.

5. Aurretiazko kontsultetako erantzunen ingurumen-azterlan laburra

Eusko Jaurlaritzako Kultura Ondarearen Zentroaren erantzuna jaso da, dioena Planaren eremuan ez dela antzeman kultura-ondareari eragiten dion ezer.

6. Ingurumen-azterlan estrategikoan kontuan hartu beharreko funtsezko alderdien definizioa eta irismena.

Planak antolamendu xehatuaren zehaztapenak dauzka. Beraz, kasu honetan egingo den ingurumen-ebaluazio aurreikusitako antolamendu xehatuaren efektu espezifikoetan zentratuko da.

Ingurumen-azterlan estrategikoak izan beharko du ingurumen-ebaluazioari buruzko Legearen (abenduaren 9ko 21/2013) IV. eranskinean ezarritako edukia, eta hura osatu beharko da urriaren 16ko 211/2012 Dekretuaren (plan eta programen ingurumen-ebaluazio estrategikoaren prozedura arautzen duena) II. eranskinean jasotzen denarekin.

Aurrekoarekin bat etorriz, garatuko diren apartatuek honako eskema metodologiko honi jarraitu beharko diote:

1. Proposatutako planaren deskribapena

1.1. Plangintzaren esparrua eta helburuak

1.2. Planaren irismena, edukia eta garapena

1.3. Plangintza-aukerak

2. Ingurumenaren ezaugarriak zehaztea

2.1. Ingurumen-egoeraren deskribapena

2.2. Laburpena: ingurumen-alderdi esanguratsuak

3. Ingurumen-ondoreak.

4. Prebentzio-, zuzentze- eta konpentsazio-neurriak.

5. Ingurumena zaintzeko programa

6. Ingurumen-laburpena

7. Laburpen ez-teknikoa.

Ebaluatzekoa den dokumentuaren ezaugarriak direla eta, uste da ingurumen-azterlan estrategikoak -aurrerantzean, Azterlana- behean azaltzen diren alderdiak landu behar dituela, bakoitzari ondoren adierazten den zabaltasuna eta zehaztasuna emanda:

6.1. Planaren deskribapena

6.1.1. Plangintzaren esparrua eta helburuak

a. Azterlanean, laburpen txiki bat jasoko da plan bereziaren aldaketarekin lortu nahi diren helburu nagusiei buruz. Gainera, azterlanak labur-labur jaso beharko du nola hartu diren kontuan, plana egitean, txosten honetako 2. Apartatuan ingurumena babesteko jaso diren helburuak eta jasangarritasun-printzipio eta -irizpideak.

b. Identifikatuko da zein diren Planaren gainera dauden plan edo programak, zeinen helburuak eta zehaztapenak planaren bidez garatzen baitira. Azaletik deskribatuko dira planaren xedearekin edo esparruarekin zerikusia duten plan edo programa horien zehaztapenak eta aurreikuspenak, baita ingurumena babesteko planari aplikatzen zaizkion irizpide, helburu eta zehaztapenak ere. Aurkeztu beharko da zer erreferentzia eta data duten hierarkian planaren gainera dauden plan edo programen onespene-egintzek, eta zehaztuko da ea plan edo programa horiek ingurumen-ebaluazio estrategikoaren mende jarri diren.

c. Planaren bitartez indarreko antolamenduaren barruan aldatuko diren alderdi zehatzak eta zehaztapenak deskribatuko dira.

d. Hala badagokio, adieraziko da zer irizpide eta zehaztapen ezarri diren hierarkian planaren gainera dauden planen ingurumen-adierazpen estrategikoan, baita hura garatzeko beste tresna batzuetan ezarritakoak ere, baldin eta baldin eta ebaluazioaren xede den planaren aplikazio-eremuak edo xedea badira. Ingurumen-adierazpen estrategikoen erreferentzia aurkeztuko da, eta zehaztu egingo da zer aldizkari ofizialetan argitaratu diren, eta kontsulta-gunerako esteka txertatuko da.

e. Adieraziko da ingurumena babesteko zer irizpide, helburu eta zehaztapen finkatzen diren arauetan eta planarekin hierarkia-harremanik ez duten beste plan eta programa batzuetan ere, baldin eta aplikatu behar badira.

Zehazki eta beste batzuen artean, honako plan eta arau hauek hartuko dira kontuan:

- 121/2015 Dekretua, ekainaren 30ekoa, ekainaren 30ekoa, Salburua Kontserbazio Bereziko Eremu eta Hegaztientzako Babes Bereziko Eremu izendatzeko eta haren kontserbazio-neurriak onartzeko dena.
- 34/2015 DEKRETUA, martxoaren 17koa, ingurune hidrikoari lotuta dauden Kontserbazio Bereziko Eremuetarako (KBE) eta Hegaztien Babes Bereziko eremuetarako (BBE) arau orokorrak onartzen dituen.
- Araba Erdialdeko Lurralde Plan Partziala.
- Ebroko Plan Hidrologikoa (2015-2021).
- Ebroko Demarkazio Hidrografikoaren Uholde Arriskua Kudeatzeko Plana (2015-2021).

- EAeko Ibaiak eta Errekak Antolatzeko Lurralde Plan Sektoriala.
- Lurzoruaren kutsadura prebenitzeko eta zuzentzeko ekainaren 25eko 4/2015 legearen 23. eta 31.4 artikulua.
- EAeko hots-kutsadurari buruzko urriaren 16ko 213/2012 Dekretuaren 36. artikulua eta hurrengoak.
- Arabako lurralde historikoko Lotura Ekologiko eta Paisajistikoaren Estrategia.

6.1.2. Planaren irismena, edukia eta garapena

a.- Planaren irismenak ezin hobeto definituta geratu behar du. Planaren aplikazioaren ondorioz planteatzen diren ekintzen deskribapen zehatz bat garatuko du azterlanak, eta haiek lotura izan beharko dute planak eragindako eremuan indarrean den hirigintza-antolamenduaren aldean dakartzan aldaketekin edo xehakapenekin, baldin eta ingurumenean ondorio kaltegarri nabarmenak izan badituzkete, betiere eremuaren garapenerako beharrezkoak diren jarduketa guztiak aintzat hartuta.

b). Aurreikuspen bat egingo da planean egiten diren proposamenak gauzatzeko egingo diren proiektu eta jarduketan izaerari buruz, batik bat lurzoru kutsatuei eta urbanizazio-proiektuari buruz.

c. Deskribatu da planeko zer ekintzak izan dezaketen eragina ingurumenean, eta ekintzak kokatuko dira; garrantzi handikoenetik txikikoenera hierarkizatutako dira, kontuan hartuta haien kokapen zehatza, izaera, magnitudea eta baliabide naturalen kontsumoa. Horrela deskribatutako plan-ekintza bakoitzari kode bat esleituko zaio. Kode hori azterlanaren hurrengo apartatuetan erabiliko da, baldin eta aipatu behar bada.

d. Plana onartu ondoren, haren garapena zehaztu eta plangintzaren geroagoko faseak aipatuko dira, baita planaren zehaztapenak ezartzeko tresnak ere. Era berean, aurreikusiko da garapen-tresna eta / edo -proiektu horiek ingurumen-ebaluazioaren mende egon daitezkeela.

e. Nolanahi ere, erantsiko da zer denbora-aurreikuspen egiten den plana garatzeko, eta, bidezkoa bada, aurreko apartatuan azaldutako ekintzetarako zehaztuko da.

f. Epigrafe honetan biltzen den informazioa eskala egokian islatuko da kartografian, eta lurraldearen erabilera islatuko du, baita ingurumen-ondorio nabarmenak ekar ditzaketen Planaren aurreikuspen eta jarduketak ere. Informazio kartografikoa atxiki beharko da, gutxienez hauek jasoko dituen: eremuaren mugak eta jarduketan kokapena, pdf eta shape formatuetan.

6.1.3. Plangintza-aukerak

a. Azaletik deskribatuko dira plana emateko prozesuan kontuan hartu diren alternatiba guztiak. Alternatiba horiek bideragarriak izan behar dute teknikoki eta ingurumenaren aldetik, eta alderdi hauei buruzkoak izan daitezke: kokalekua, garapen teknikoa, aldi baterako garapena, kudeaketa, antolamendua, baliabide naturalen erabilera edo beste edozein alderdi.

b. Alternatiba horien irismena deskribatuko da, eta zehaztuko da zer alde dauden alternatiba bakoitzetik eratorritako proiektuen eta Planeko ekintzen artean, 6.1.2.b apartatuan deskribatutako proiektuekin eta 6.1.2.c apartatuan deskribatutako ekintzekin alderatuta.

b. Laburpen bat ere jasoko da azaltzeko zergatik baztertu diren aztertutako plangintza-alternatibak eta zergatik onartu den azkenean proposatutako alternatiba.

d. Aztertutako alternatibak kartografikoki jasoko dira.

6.2. Ingurumenaren ezaugarriak zehaztea

Azterlanak deskribatu beharko du zein diren ingurumenaren egungo egoeraren alderdi garrantzitsuak planak eragindako eremuan. Karakterizazio hori elementu abiotikoei eta biotikoei buruzkoa izango da, bai elementu mota bakoitzaren ikuspegi sektorialetik, bai haien interakzioen ikuspuntutik, ingurumenaren egungo egoeraren ikuspegi integratua emateko.

Planaren eraginpeko esparrutzat, antolamendu-esparru osoaz gain, haren ingururik hurbilena hartu behar da, planaren ekintzek ingurumen-ondorio garrantzitsuak izan ditzaketen eremuetara mugatuta.

Ingurumenaren kalitateari buruzko alderdiei buruzko informazioa azterlanetan edo bestelako erreferentzia-dokumentuetan oinarrituta dagoenean, emandako datuen iturria identifikatuko da, eta adieraziko da zein den izenburua, urtea, egilea, eta, hala badagokio, zer esteka balia daitekeen lana bere osotasunean kontsultatzeko.

Azterlanak eskala egokiko planoak izango ditu, ingurunearen aldagaiak islatuta.

6.2.1. Ingurumen-egoeraren deskribapena

Honako hauek izango dira, gutxienez, aintzat hartuko diren ingurumen-alderdiak:

Honako hauek izango dira, gutxienez, aintzat hartuko diren ingurumen-alderdiak:

a. Ingurune fisikoa. Zenbait faktore hartuko dira kontuan, hala nola arroka ama eta zorupea, haien iragazkortasuna, masak eta ur puntuak, faktore klimatikoak eta lurzoru mota. Azken faktore horri dagokionez, dituzten ezaugarriak direla-eta gaitasun agrologiko handiko modura katalogatutako eta babestutako lurzoruen erreferentzia aipatu beharko da.

b. Natura-ondarea. Natura- eta ekologia-intereseko elementuak jakinaraziko dira, baleude; esaterako, ibai-ibilguak, fauna- eta flora-espezie mehatxatuen banaketa-eremuak, Batasunaren intereseko lehentasunezko habitatak eta landaredia, flora eta fauna autoktonoak. Egungo elementuen kontserbazio-egoerari buruzko datuak emango dira, baita interes maila, kalteberatasuna, egungo presio eta mehatxuak ere, plana gauzatzean areagotu daitezkeenak.

c. Paisaia. Aztertuko da ea elementu interesgarriak dagoen pertzepzio-ikuspuntutik.

d. Ingurumen-arriskuak eta -arazoak. Uholdeak izateko arriskuari, lurzoruko kutsaduratik eratorritako arriskuari, lurpeko uren kalteberatasunari, arrisku geoteknikoei, klima-aldaketak eragindako arriskuei edo aipatu beharreko beste edozein ingurumen-arriskuri buruz bildu ahal izan diren datu guztiak aurkeztuko dira.

e. Orobat, airearen, uraren edo lurzoruaren kalitateari dagokionez hautemandako ingurumen-arazoak deskribatuko dira, egoera akustikoa barne. Iturri kutsatzaile izan daitezkeenak identifikatuko dira.

f. Apartatu honetan, gainera, egon daitezkeen beste ingurumen-baldintzatzaile batzuk landuko dira, baldin eta planaren ingurumen-ebaluaziorako garrantzitsuak badira, hala nola

mugikortasunari eta garraioari buruzko alderdiak, eremuko irisgarritasun-baldintzak, baliabide berriztagarrien eta ez-berriztagarrien kontsumoari lotutako beharrak (ura, energia etab.), jendea bizi den eremuen presentzia eta kaltetua izan daitekeen biztanleria eta abar.

6.2.2. Laburpena: ingurumen-alderdi esanguratsuak

Aurreko apartatuan azaldutako deskribapen eta datuetan oinarrituta, ingurumenaren egungo egoera aztertuko da Planaren eraginpeko esparruan, eta labur-labur jasoko da zein diren planeko jarduketetako elementu, prozesu, arazo eta arrisku garrantzitsuenak ingurumen-ebaluazioko prozesuan. Arreta jarri beharko da ingurumenaren ikuspegitik interesgarriak diren esparru, elementu edo egoeretan, baita eragina jasan dezaketen alderdietan ere, kontuan hartuta planean jasota dauden aldaketen ondorioz sortuko diren proiektuen eta ekintzen kokapena eta ezaugarriak.

Ingurumen-azterlan estrategikoak hauteman beharko du zer eremu izan daitezkeen arazotsu ingurumenaren aldetik, bateragarriak izan daitezten proposamenen garapenarekin; horretarako, kontuan hartu beharko du txosten honen 3. apartatuan adierazi diren eta ingurumenaren aldetik garrantzitsuak diren eremu edo elementuak daudela.

Era berean, eremuaren ingurumen-diagnostiko egokia egin beharko da, eremuaren harrera-gaitasuna, arrisku guneak eta inguru hauskor edo kalteberak ebaluatzeko.

6.3. Proposatutako planaren ingurumen-efektuak

a.- Apartatu honetan, identifikatu eta baloratu beharko da zer efektu izan ditzaketen planean bilduriko ekintzek 6.2. apartatuan deskribatutako ingurumen-kalitateko elementuetan, eta efektu horien ezaugarriak deskribatuko dira. Planaren ondorioak identifikatu eta karakterizatzeko, azterlan bat egingo da jakiteko da zer interakzio dagoen lanean aurreikusitako ekintzen eta eragin ditzaketen ingurumen-elementuen ezaugarri espezifikoaren artean, bai eta zer ingurumen-arazo eta -arrisku sortu edo areagotu daitekeen.

Ezaugarrien deskribapenean, zehatz eta argi adierazi beharko da zer motatako efektuak dauden, honako hauek bereizita: zeharkako efektuak, metatze-efektuak, efektu sinergikoak, epe labur, ertain eta luzerako efektuak, efektu iraunkorrak eta aldi baterako efektuak.

Azterlanaren 6.1.2.c apartatuan identifikatutako ekintza guzti-guztien ingurumen-ondorioak deskribatuko dira, eta espresuki aipatuko da apartatu horretan ekintzei esleitutako kodea.

Hala dagokionean, zehaztuko da zer efektu dakarren zenbait ekintzaren konbinazioak. Era berean, ingurumen-izaerako edozein efektu bereiziko da, baldin eta biztanleriaren, giza osasunaren edo ondasun materialen gainean ondorio kaltegarri eta nabarmenak izan baditzaie.

Horrela deskribatutako planaren efektu bakoitzari, berriz, kode bat esleituko zaio. Kode hori azterketaren hurrengo apartatuetan erabiliko da, baldin eta aipatu behar bada.

Beste alderdi batzuen artean, honako eragin hauen analisia jorratuko da:

- Aztertuko da zer eragin izan dezakeen uholde-arriskuak hirigintza-garapenean, eta behar bezala justifikatu beharko da indarreko plan hidrológicoaren araudia betetzen dela, zaintza-eremu urpekorreko erabilera-mugei dagokienez (40. eta 41. artikulua). Justifikazio hori arloan eskumena duen organo baten azterlan hidraulikoan edo txostenetan oinarritzen bada, haiek ere aurkeztu beharko dira gainerako dokumentazioarekin batera, ingurumen-adierazpen estrategikoa eskatzeko.

- Ingurumen-azterketa estrategikoan aztertuko da aurreikusi diren erabileretan zer mailatan betetzen diren 213/2012 Dekretuan ezarritako kalitate akustikoaren helburuak (213/2013 Dekretua, urriaren 16koa, Euskal Autonomia Erkidegoko kutsadura akustikoari buruzkoa). Hala, zehaztu egin beharko da ea eremuan aplikatu beharreko araudiak aukera ematen duen eremuko ekoizpen-erabilera bereizgarriari dagozkion babes akustikoko betekizunak baino zorrotzagoak bete behar dituzten erabilerak kokatzeko.
- Ingurumen-azterketa estrategikoak aztertuko du nola eragiten dien garapen urbanistikoak sektoreko ibilguei.
- S-22 sektorea Salburua KBE/BBEaren babes-eremu periferikoaren barruan dago. Bestalde, Plan Partziala izapidetzean erabakitzen bada espazio horretan ondorio nabarmenak eragin ditzakeen proposamen bat egikaritzea, proposamen hori “behar bezala ebaluatuko da”, abenduaren 13ko 42/2007 Legearen 46.4 ezarrita dagoenaren arabera, eta kasu horretan, azterketak barnean hartu beharko du abenduaren 9ko 21/2013 Legearen 35.1.c artikuluan jasotzen den atal espezifikoa, Natura 2000 Sareko guneek jasan ditzaketen ondorioen ebaluazioari buruzkoa.

b. Identifikatu eta kodetutako efektuak baloratzeko, honako alderdi hauek hartuko dira kontuan, besteak beste:

- Gertatzeko probabilitatea, iraupena, maiztasuna eta itzulgarritasuna.
- Efektuen larritasuna eta irismen espaziala.
- Eraginpean gera daitekeen eremuaren balioa eta kalteberatasuna, honako hauek kontuan hartuta:
 - Natura-, kultura- eta paisaia-ezaugarri berezirik dagoen.
 - Aurkako ingurumen-baldintzarik dagoen, airearen, uraren edo lurzorua kalitate-estandarrak edo muga-balioak gaindi dezakeenik.
 - Planak zer neurritan sortu edo areagotu ditzakeen ingurumen-arriskuak.

Ahal den guztietan, efektuak edo ondoreak zenbatetsiko dira, datu neurgarriak erabilia, planean aurreikusitako jarduketak eta proiektuak gauzatzearen ondorioz deskribatu diren ingurumen-faktoreen egoera-aldaketei buruzkoak. Hala badagokio, adieraziko da zer ziurgabetasun-maila dagoen ondore edo efektu horien iragarpenean.

c. Halaber, ahal den neurrian, ondorioak kartografia bidez lokalizatuko dira, eta ahaleginduko da zehazten plan edo programaren zer fasetan gerta litezkeen, aurreikuspenen arabera.

d. Adieraziko da ea detektaturiko efektu horren sorburu-ekintzak eskatzen duen ala ez planaren zehaztapenak beste plan eta programa batzuetan txertatzea, eta kasu bakoitzean zehaztuko da zein den eraginpeko plangintza-tresna.

e.- Hierarkizatu egingo dira hala deskribatutako ingurumen-efektuak, eta nabarmenduko da haien garrantzi erlatiboa.

6.4. Prebentzio-, zuzenketa- eta konpentsazio-neurriak

Apartatu horretan, deskribatuko da zer neurri aurreikusten den aztelanaren 6,3. apartatuan deskribatutako ingurumen-ondoren kaltegarriak prebenitzeko, murrizteko eta, hala badagokio, konpentsatzeko. Hartuko diren neurriek bermatu egin beharko dute ez dela ingurumen-efektu esanguratsurik sortuko, planaren ekintzak garatzearen eta etorkizunean gauzatzearen ondorioz. Haien helburua izango da natura-baliabideak, natura- eta kultura-ondarea babestea, natura-arriskuak prebenitzea eta atzemandako ingurumen-arazoan aurrean hobetu eta egokitzea.

b. Proposatutako neurriek koherenteak izan beharko dute aurreikusitako ingurumen-ondorioekin. Neurriak deskribatu egingo dira, eta 3. apartatuan identifikatutako ondorio edo efektuekin –prebenitu, zuzendu edo konpentsatu nahi direnekin– lotuko dira. Bereziki, eta beste batzuen artean, honako neurri hauek zehaztuko dira:

- Uholde-arriskua prebenitzeko neurriak. Horiek zehazteko, txosten honen aurreko apartatuetan aipatutako planetan ezarri irizpideak hartuko dira kontuan: EAEko Ibaien eta Erreken Ertzak Antolatzeko Lurralde Plan Sektoriala eta Ebroko Demarkazio Hidrografikoaren Uholde Arriskua Kudeatzeko Plana (2015-2021).
- Bermatu beharko da errespetatzen dela EAEko Ibaiak eta Errekak Antolatzeko Lurralde Plan Sektorialean eta Ebroko Demarkazio Hidrografikoaren Uholde Arriskua Kudeatzeko Planean (2015-2021) ezarritakoa. Hartara, saihestu beharko dira, bai ibaien ertzen alterazioa eta artifizializazioa, bai ibai-korridorearen aniztasun eta funtzionaltasun ekologiko eta paisajistikoa laguntzen duten elementuena, eta sustatuko da, ahal denean, horiek lehengoratzeta, biziberritzea eta hobetzea.
- Ingurumen-arriskuei dagokienez, azpimarratzekoa da lurpeko urak kutsatzeko arriskua; izan ere, akuiferoa kutsatzeko arrisku handia duen gune batean kokatuta dago eremua. Ondorioz, ezinbestekoa da prebentzio- eta zuzenketa-neurriak diseinatzea, isurien edo bestelako istripuen ondorioz lurzorua kutsa dadin saihesteko. Era berean, akuiferoaren drainatzea saihesteko neurriak zehaztuko dira (sestrapeko solairuak iragazgaiztea, eraikinen kanpoko drainatze perimetraleko sistemak ezartzea debekatzea, etab.).
- Hala badagokio, kalitate akustikoaren helburuetara iristeko behar diren neurriak ezarriko dira, EAEko hots-kutsadurari buruzko urriaren 16ko 213/2012 Dekretuaren 40. artikuluan zehaztutakoaren arabera, eta eremu akustikoak eta erabilera aurreikusitak kontuan hartuta.
- Era berean, irizpideak zehaztuko dira planaren garapena paisaian integratzeko, erabili beharreko espezieak eta birlandatu beharreko gainazalak ezarrita, eta kontuan hartuta Eusko Jaurlaritzako Ingurumen, Lurralde Plangintza eta Etxebizitza Sailak egindako «Lorategi eta berdegune jasangarriak diseinatzeko eskuliburua» argitalpenean jasotako gomendio eta neurriak. Ildo horretan, landareztatze- eta lorategi-lanetan ez dira inola ere erabiliko inbaditzaileak izan daitezkeen espezie aloktonoak; esaterako, *Fallopia japonica*, *Robinia pseudoacacia*, *Cortaderia selloana* eta abar. Orobat, neurriak hartuko dira espezie horiek kentzeko eta lur-mugimenduen bidez hedatzea ekiditeko; horretarako, kontrolatu egingo da birlandaketan eta urbanizazioko lorategietan erabiliko diren mailegu-materialen eta landare-lurraren jatorria eta osaera.
- Ingurumen-ebaluazioari buruzko abenduaren 9ko 21/2013 Legeak eskatzen duenez, ingurumen-azterketa estrategikoak zenbait neurri jasoko ditu, planak klima-aldaketan izan dezakeen eragina arintzeko eta hartara egokitzeko. Xede horrekin, IHOBek egindako gida metodologiko hauek erabili ahal izango dira erreferentzia gisa: «Klima-aldaketara egokitzeko udal-programak egiteko gida. Udalsarea 21 lan-koaderno» eta

«Euskadiko Hirigintzaren Plangintzari buruzko eskuliburua klima-aldaketa arintzeko eta klima-aldaketara egokitzeko».

c. Adieraziko da planaren zein zatitan txertatu diren proposatutako neurriak, eta espresuki zehaztuko da planean bildutako zein dokumentu teknikotan jaso diren neurri horiek.

d. Hala badagokio, prebentzio, zuzenketa eta konpentsaziorako neurriak proposatuko dira, plangintzaren geroagoko fase edo etapetan edo Plana gauzatzeko etorkizunean diseinatuko diren proiektuetan aplikatzea komenigarri edo egingarria denean.

e. Kostu ekonomikoren bat dakarten prebentzio eta zuzenketarako neurrien aurrekontua ere jasoko da, horiek gainbegiratzeaz arduratuko den agentea edo pertsona adierazteaz gainera.

6.5. Ingurumena zaintzeko programa

a. Azterlanak ingurumena zaintzeko programa bat garatuko du, non deskribatuko baita zer neurri aurreikusten den Plana aplikatzeak dakartzan ondorioak berrikusteko. Neurri horiek alderdi hauek kontrolatzeko jomuga izan beharko dute:

- Gainbegiratzea ea behar bezala ezartzen diren planak ingurumenean izan ditzakeen ondorio kaltegarriak prebenitu, murriztu edo zuzentzeko aurreikusita dauden neurriak.
- Ingurumen-elementu garrantzitsuen bilakaera zaintzea, baita plana martxan jarri aurretik zeuden ingurumen-arazoaren bilakaera ere.
- Plana gauzatzearen ondoriozko ingurumen-efektuak egiaztatzea, aurreikusi gabeko eragin kaltegarriak azkar identifikatzeko eta horiek saihesteko edo zuzentzeko neurri egokiak hartu ahal izateko.
- Aztertzea ea prebentzio- eta zuzenketa-neurri osagarriak hartu behar den plana egikaritzeko aurreikusitako garapen-tresnetan eta proiektuetan.

b. Jarraipen-neurriak azterlanaren 6.4. apartatuan jasotako babes, zuzenketa eta konpentsaziorako neurriekin identifikatuko dira, eta bat etorri beharko dute.

c. Ingurumena zaintzeko programak jaso beharko du zer adierazle proposatzen diren azterlanean, baita zer proposamen zehatz egiten den kasu bakoitzean datuak biltzeko erabiliko diren aldizkakotasunari eta metodoei buruz.

6.6. Ingurumen-laburpena.

a. Deskribatuko da zelan txertatu planean ingurumen-alderdiak. Xehetasunez aztertuko da nola hartu diren kontuan eta nola betearazi diren ingurumena babesteko ezarritako irizpideak, helburuak eta zehaztapenak, azterlanaren 6.1.1 apartatuan deskribatutakoak.

b. Aztertu egingo da zenbaterainoko arriskua dagoen planak etorkizunean ingurumenean eragin adierazgarriak izateko, eta beharrezko argudioak emango dira honako hau egiaztatze aldera: proposatutako babes, zuzenketa eta konpentsaziorako neurriak planean txertatuz gero oso arrisku txikia dagoela efektu esanguratsu horiek jazotzeko eta, ondorioz, ez dagoela eragozpenik plana garatzeko. Ondorio hori gauzatzeko, azterlanaren gainerako apartatuetan jasotako informazioei buruzko erreferentzia egokiak erabiliko dira.

6.7. Laburpen ez-teknikoa.

a. Azterlanak barnean hartuko du emandako informazioaren laburpen ez-tekniko bat, eta laburpen horrek, bestalde, ebaluazio-prozesuan jorratutako gaietako prestakuntza espezifikorik ez duten pertsonak erraz ulertzeko moduan idatzita egon beharko du.

b. Laburpen horri, gainera, egindako ebaluazioa hobeki ulertzen lagunduko duen informazio grafikoa ere erantsi beharko zaio, edo, bestela, informazio hori erraz eskuratzeko behar diren erreferentziak jaso beharko dira.

7. Izapideak: jendaurreko informazioa eta kontsultak.

Urriaren 16ko 211/2012 Dekretuaren 12. artikuluan eta abenduaren 9ko 21/2013 Legearen 21. artikuluan ezarritakoaren ondorioetarako, organo sustatzaileak jendaurreko informazioaren izapidearen eraginpean jarriko du plan honen hasierako bertsioa, ingurumen-azterlan estrategikoarekin batera; gutxienez, 45 egunez.

Era berean, kontuan hartuta urriaren 16ko 211/2012 Dekretuaren 12. artikulua eta abenduaren 9ko 21/2013 Legearen 22. artikulua zer xedatzen den ukitutako administrazio publikoei eta interesdunei egin beharreko kontsultei buruz, erakunde eta pertsona interesdunen zerrenda hau hartuko da kontuan:

- Eusko Jaurlaritzako Osasun Publikoaren eta Adikzioen Zuzendaritza.
- Eusko Jaurlaritzako Kultura Ondarearen Zuzendaritza.
- Eusko Jaurlaritzako Natura Ondare eta Klima Aldaketa Zuzendaritza
- Ebroko Konfederazio Hidrografikoa, URA-Uraren Euskal Agentziaren bitartez.
- Arabako Foru Aldundiko Euskara, Kultura eta Kirol Zuzendaritza.
- Arabako Foru Aldundiko Ingurumen eta Hirigintza Zuzendaritza.
- Arabako Ekologistak Martxan.
- Eguzki. Eguzkizaleak aisialdirako elkarteak.

8. Dokumentazioa aurkezteko jarraibideak.

2013ko abenduaren 9ko 21/2013 Legearen 16. artikulua arabera, kualifikazio profesionala eta goi-mailako hezkuntzari buruzko arauen arabera behar besteko gaitasun teknikoa duten pertsonak egin beharko dute azterlana, eta Legearen eskakizunak betetzeko behar den kalitatea izango du.

Azterlanak eta haren eranskin guztiek (eragin akustikoari buruzko azterlanak, adibidez) pertsona horiek identifikatu beharko dituzte, eta adierazi beharko dute zein diren haien tituluak eta, hala badagokio, lanbide arautua. Identifikazioak barne hartu beharko ditu izen-abizenak eta nortasun-agiri nazionalaren edo helburu bererako beste edozein agiriren kodea (elkargokide-zenbakia entregatuz gero, horrek bat etorri behar du elkargo profesional jakin baten erregistroarekin). Gainera, amaiera-data eta pertsona horien sinadura jasoko dira. Haiek

azterlanaren edukien eta informazioaren fidagarritasunaren erantzule izango dira, salbu administrazioak frogagarri gisa emandako datuak direnean.

Apartatu monografikoak baditu, apartatu horien arduradunak identifikatu beharko dira.

Dokumentazioa aurkezteko, honako jarraibide hauek bete beharko dira:

1. Ingurumen-adierazpen estrategikoaren eskaerarekin batera aurkeztutako dokumentuek behar den koherentzia errespetatu beharko dute, bai haien artean, bai aurretik aurkeztutakoekin, halakorik bada; hartara, ez da oztopatuko erabakia hartu behar duten administrazio-organoen lana, baizik eta erraztu.

2. Arreta berezia jarri beharko da kasu bakoitzean datu egokiak adierazteko, dokumentu teknikoen apartatu desberdinak elkarrekin erlazionatzeko moduan (esaterako, apartatu batean planeko ekintzak deskribatzen badira eta beste batean ekintza horiek eragindako ingurumen- inpaktuak; bi kasuetan, izen berarekin aipatu beharko dira ekintzak).

3. Beharrezkoa izanez gero, datuak zein iturritatik lortu diren adierazi beharko da.

4. Planaren, programaren edo proiektuaren dokumentazio grafikoa eta kartografikoa sartu behar da hala eskatzen duten apartatuetan. Planoak pdf formatuan entregatu beharko dira, geoerreferentziatuta; hau da, pdf-ek eremuko koordenatuak eduki beharko dituzte UTM30N ETRS89 erreferentzia-sistema ofizialean.

Analisi tekniko egokia errazteko, bistartzeko pdf formatuko artxiboez gain, planoen kopia gehigarri bat entregatu beharko da shape formatuan (UTM30N ETRS89 erreferentzia-sistema erabilita), zeinak ezingo baitu 10 Mb gainditu. Shape fitxategi hori entregatzeko, ZIP fitxategi bakarrean konprimatuko dira shape-fitxategia osatzen duten 4 dokumentuak: .shp, .shx, dbf, .prj.

Lau fitxategiak bilduko dituen «eremua.zip» shape konprimatuaren adibidea:

eremua_adibidea.shp

eremua_adibidea.shx

eremua_adibidea.dbf

eremua_adibidea.prj

6. Plano guztiak kodea eta titulua jarrita identifikatu behar dira. Halaber, honako hauek adierazi beharko dira: irudikatutako datuak zuzen interpretatzeko behar diren azalpenak eta sinboloak; eskala grafikoa eta zenbakizkoa, inprimatzeko formatua adierazita; sinadura eta noiz egin den.

7. Jatorrizko eskalatik murriztutako planoak aurkeztuz gero, zuzendu egin beharko da planoan jatorrian adierazitako eskala, aurkeztutako planoan oinarritutako neurketek ez dezaten izan akatsik.

8. Dokumentazioarekin batera aurkeztuko dira testuetan zehar aipaturiko eranskin, irudi, plano edo argazki guztiak. Erreferentzia horiek argi eta garbi jarri behar dira, kasuan kasuko elementua erraz aurkitzeko moduan.

9. Informazio jakin bat dokumentuko atalen baten osatze edo zuzentze gisa aurkeztekotan, eta aldi berean espedientearen zuzendu nahi den atala mantentzen bada, informazio berriak adierazi beharko ditu osatzearen edo zuzentzearen ondorioz jatorrizko dokumentuan ezeztatutzat edo

ordezkatzat jo beharreko kapituluak, orrialdeak, epigrafeak, atalak, paragrafoak, esaldiak, koadroak, irudiak, planoak eta abar. Aurreko dokumentazioren bat osatzen edo zuzentzen duen dokumentazioak egoera horren berri eman beharko du hasieran. Baldin eta apartatu horiek zuzentzeak zailtzen badu informazioa ulertzea, behar diren zatiak batuko dira, errazago ulertzeko. Dokumentuak karpetaan elkartuta entregatu beharko dira, eta legeriak dokumentu horren edukia deskribatzen duen moduan izendatuta.

10. Eskatera IKS-eem sistemaren bidez aurkeztu beharko da, aplikatzekoak diren fitxak eta formularioak erabilia. Ingurumen, Lurralde Plangintza eta Etxebizitza Sailaren webgunean eskura daitezke, helbide honetan zehazki:

http://www.euskadi.eus/web01-a2inguru/es/contenidos/informacion/ikseem/es_ikseem/index.shtml

11. Dokumentu bat .pdf formatuan aurkezten bada, gehienez 30MB izango ditu, eta bilaketak egitea ahalbidetu beharko du. Dokumentu handiagoak zatitu egin beharko dira, sisteman sartuko badira.

12. Aurkeztutako dokumentazio guztiaren aurkibide osoa txertatuko da, eta zehaztuko da zer orrialdetan dagoen adierazitako apartatu bakoitza Aurkibidea aurkeztean .pdf dokumentu baterako, adierazitako orrialde-zenbakia bat etorriko da orrialde hori aurkitzeko irakurketa-programaren «Joan orrialde honetara» aginduan adierazi behar denarekin.

13. Datuak igortzean, organo sustatzaileak beti bermatu beharko du datu pertsonalak babesteari buruzko araudia betetzen dela.

Bigarrena. Ebazpen hau Gasteizko Udalarari jakinaraztea.

Hirugarrena. - Ebazpen hau Ingurumen, Lurralde Plangintza eta Etxebizitza Sailaren webgunean argitaratzeko agintzea.



Ingurumen Administrazioaren Zuzendaritza
Ingurumen Administrazioko zuzendaria
IVAN PEDREIRA LANCHAS.